

AD QVOD LIBET ARIAM.
QVÆSTIO MEDICA

308

Matutinis exagitanda disputationibus in scholis Medicorum die Iouis 23. Nouembris moderatore D. FRANCISCO ELLAIN Doctore Medico.

An temperamentum calidum humidum sit longioris vitæ.

Restantissima omnium specierum corporis naturalis est corpus animatum, quod idcirco dispositionibus omnium inferiorum ornari, et ali-
quid nobilius continere necesse est. Elementa igitur quæ sunt simplicia, et prima omnium corpora corruptioni obnoxia, solam primam
materiam duplici qualitate affectam: Mixta inanimata, quæ sunt quasi secunda corpora ex primis orta, ab Elementis tamen et inter se
distincta, contemperationem quoque Elementorum quatuor, tum quoad qualitates, tum quoad substantias possulant.

Vluentia et hanc ipsam mixtionem longè adhuc perfectiorem possunt, ac præter illam organizatione, ut ita loquar, et plurimum egent
partium discrimine. Quo fit ut in mixtis inanimatis quæ sunt in se unica reperiatur complexio: quæ nihil est aliud quàm quatuor
primarum qualitatum unio. At in viventibus propter diuersitatem operationum diuersa sunt singularum partium contemperaciones,
ex quibus existunt partes homogeneæ, et ex illis fiunt heterogeneæ, tum ex omnibus totum viuens coagmentatur.

Quæ in animalibus ex complexione qualitatũ elementarium emergunt primum humores quatuor, sanguis, phlegma, utraq; bilis, flaua
et atra: deinde ex iis partes similes ortum ducunt, et dissimiles, atque ad extremum totum corpus, totiusque temperamentum, quod
prout speciem suam conseruare aptũ natum est, longioris aut breuioris vitæ est particeps. Ac profecto quæ in frigore et siccitate excedunt (ut
simplices quatuor temperaturas omittam) sunt breuis admodum vitæ: quandoquidem hæc duæ sunt qualitates mortis sociæ, cum frigus per-
petuas cum calore gerat inimicitias, eiusque operationes omnes impediat. Complexio calida sicca potior est ad vitam quàm frigida humida,
quia cum utraq; altera duntaxat earum qualitatũ, quæ vitæ esse dicuntur, illa præcipuũ vitæ ducem, hæc humorem eũque, aquẽ et impurum obrineat.

Eratissimum autem, et quod diutissimè speciem suam tuetur et sustinet temperamentum esse puto, non temperatum quidem, etsi Medi-
corum industria egros ad eam temperiem reducere conetur; sed quod calido et humido excellit, quæ sunt principia quibus maximè niti-
tur vita. Quod ne constare quidem ipsum potest, propriamque et determinatam periodum durationis habet; cum calor naturalis, et hu-
midum innatum (quæ alimento ad famem et sitim sedandam assumpto, nec non Medicina potentibus Herbis restaurari possunt) perpetuò absumã-
tur, et resoluantur; totaq; corporis constitutio continenter à multis ita labefactetur, ut sit necesse eam aliquando penitus expugnari.

Vitæ verò determinatæ periodi causa, à coniunctione caloris cum humido petenda est: quia sicut multum humidum æreum, et pingue, calori
materiæ multum suppetet: et ita exsiccationi (qualis in dorsali tabe neogamis, et salacibus accidit) interitum molienti resistet; unde et
dicuntur. Plurimum etiam ex calore naturali pendet vita, cum sit prorsus ad illa necessarius, et ex eo mares viuaciores existant
quia calidiores: et dextro Vteri sinu, feminae sinistro potius gestentur. Ac demũ ubi multus calor vigeat difficilius extinguatur: Ac propterea
terrestria aquatilibus sunt longioris vitæ; et in vniuerso terrestrium genere diutissimè omnium viuunt homo. Quare cum caloris naturalis cum
humido innato coniunctio, sit prima et præcipua ratio diuturnitatis vitæ: Certè maior aui duratio in maiori earum qualitatũ, quæ illius sunt conserua-
trices, dominatu consistit.

Ergo temperamentum calidum humidum est longioris vitæ.

Assertor ANTONIVS DE GYNNANT Lingonensis. Anno Domini 1600.

Domini Doctores disputaturi,

M. Antonius Quiquebeuf.
M. Iacobus d'Amboise Med. Reg.
M. Iacobus Cousinot.

M. Petrus Seguin prof. Reg.
M. Iohannes de Renou.
M. Petrus Pijart.

M. Claudius Boyuin.
M. Philippus Harduyn de S. Iaques.
M. Claudius Fauucler.

